

Ñiic 68

1. Æ ñu mi ci naath æ lät kä Yecu ni mää kàn jæ ni puàt jiaath?

-Cuœ jæ duác kä riakæ jæ.

-Cuœ jæ piem kä ñuœl kæ jæ kä ruæc.

-Cuœ jæ möc kæ thac kuiini wiidæ.

2. Æn kum kuiini æ nyuuth kæ kui ñukä?

-Æn kum kuiini æ nyuuth kæ kui kuethä Kuœth.

3. Æn kum kuiini ëë lath kæ wii Yecu æ lathkeeri æ nyuuth ñukä?

-Æ nyuuth mi löt ni šoo bi Yecu lām Kuœth nañ kæ puœnydæ.

4. Kä æ ñu cuæ tè kæ muuth wii muœœen kæliw kæ thaakni dioek œ?

-Kæ šoo thaakni muœth dàñ dioek tœtœ æ nyuuth.

5. Æ nyuuth indiæn kæ muuth in ci tè thin wii muœœen kæliw kæ thaakni dàñ dioek tœ?

-Ci Kuoth min la Guàn Yecu bàny piny wii jiaath.

6. Kä æ ñu ci Guàn ni Kuoth Yecu bàny piny œ?

-Guàn ni Kuoth duääcæ ni Yecu kæ kui duèèriku, kæ duèèrkä, æ mäni duèèr nææni diaal wii muœœen.

-Ca yecu kòny muun kæ cãñ dääri dioek kænæ wääri dioek.

-Ni kæ runwañ æ lõñ kæ koer cãñ dääri dioek kænæ wääri dioek, cu thàà mään tè ñäthkæ Yecu i æ Kään ni Kuoth cukæ wä koekä kunyã.

Kuænæ Mak 16:1

1-Kä mēē ci cāñ lœñä thuœk, cu Meri raan Mag-dalæ, kæ Meri min mœ man Je-mith, kæenæ Tha-lo-mi cukæ wal ti gœw ñuänydiæn wä kœk kæ šoo ba puœny Yecu wa yir kæ jæ.

-Kä æ ñu ci män titi wä guäth kunyä Yecu mœ?

-Kæn män gòr kæen ni šoo ba puœny Yecu wä yir kæ wäl mi gœa ñuänydæ.

-Æ ciañ Ji Juudh mi kuœnykæ raan la yierkæ puœnydæ kæ yieer mi gœa ñuänydæ.

-Kä kæ šoo ca Yecu mal kòny, cuæ /thil guàath mi cu män puœny Yecu luäñ kæ yier.

-Æ ñu mi ci män æ næn mēē ci kæ ben kœkä kunyä?

Kuænæ Mak 16:2-4

2-Ni pòdä kæ cāñ in jiol kä juœk, mēē ci cāñ këny, cukæ wä dupdiæn luœt kæ ni kœak kunyä.

3-Kä cu kæen ro thiec kamnikæen, “Æ ña mi bi pä m wä rial thöo kœkä?”

4-Kä mēē ci kæ liææc, cu kæen pä m min diit indan, næn ca jæ rial jœk thöo kœkä kunyä.

-Æ ña mi ci pä m rial jœk thöo kœkä kunyä mœ?

-Ci Kuoth jääk nhial jæk kæ šoo bæ pä m rial jœk thöo kœkä kunyä.

-Kä mēē ci män cöth kœkä kunyä, æ ñu mi ci kæen æ næn?

Kuænæ Mak 16:5

5-Kä mēē cikæ cöth ræi kœkä kunyä, cikæ ñuyt næn mi ci rœ röny kæ bièèyni ti bòr tæ nyuurä pèè cueec, kä cu kæen dual kæ nëndæ.

-Kä mēē ci kæ cöth kœkä, cu kæen Jääk nhial næn.

-Kä æ ñu mi ci jääk nhial æ làr kæ mœ?

Kuænæ Mak 16:6

6-“Cuœeræ dual,” cuæ kæ jioek inœ. “Yiæn gòòr yiæn ni Yecu raan Nÿ-dhæ-ræth, mēë ca puàt jiaath. Jæn cæ rœ jiæc lith! Jæn /cæ læ ñòt kæ mi tæ æn wanæ. Nænæ guààth in ca toèàà thin.”

-Æ ñu mi ci jääk nhial æ lar kæ kui Yecu?

-Ci jääk nhial æ lar i Yecu /cæ tè æn wani.

-Kä æ ñu /thilkæ Yecu æn wani mœ?

-Kæ šoo ci yecu rœ jiæc lith.

-Ci jääk Kuœth nhial æ lar i ci Yecu rœ jiæc lith cet kæ mēë cæ jæ lar.

-Cu jääk Kuœth nhiaal män jioek riæñæ kæ pÿth kä jioekæ jàæk Yecu i cæ rœ jiæc lith.

Kuænæ Mak 16:7-8

7-“Kä wia, làræ jæ jàækæ kænæ Pi-toer, ‘Jæn æ wèè nhiamdun ni kä Gÿ-læli. Æn wani bia jæ wä næn, cet kæ mēë cæ làr yiæ.’”

8-Kæ dual kænæ lath puààny mi diit, cu män ro bar ræi kœkä. Kä cuæ /thilæ rami cu kæ ruac kæ jæ, kæ šoo dual kæ æ lõñ.

-Ci män dual æ lõñ kä /ci kænæ luãñ i de kæn jàæk làr min ci tuœœek.

-Kæ kœr guàth mi toet, cu Meri raan Mag-dala ruac, kä cuæ jàæk làr min ci tuœœek.

Kuænæ Mak 16:9-13

9-Kä mēë ci Yecu rœ jiæc kæ cãñ in jiol kä juœek, cuæ rœ nyuœth Mari raan Mag-dala, mēë cæ yiey bärœw ti jiæk kœñ tuœek raar puœœenydæ.

10-Kä cuæ wä cuæ naath tin pār kæ jiath lœaac wä làr làr kæ kui jiecä Yecu lith.

11-Kä mēē ci kæn æ liñ i Yecu tèkæ kä cæ rœ nyuœth jæ, /kèn kænæ ñäth.

12-Kæ kœr guàath mi tœt cu Yecu rœ nyuœth jàækæ dàñ ræw ti wä piny cieñ kæ tàà mi gòl.

13-Kä cu kæ luny jœk kä cuœ jæ ben lâr duœth jàækni tin kœñ bā; kä /kèn kæn kæ ñäth bā.

-Kä kæ šoo ci Meri raan Mag-dala kænæ duœth jàækni dàñ ræw ti kœñ jàæk lâr šoo ci Yecu rœ jiæc lith, /kèn jàæk kæ ñäth bā niæ thin.

-Kæ kui æ mœ, cu Yecu pucœnydæ päl kä jàækæ.

Kuænæ Mak 16:14

14-Kæ kœr guäth mi tè thin cu Yecu päl kä jàæk dàñ wäl wicdæ kæl guäth mieth; cuæ kæ luèk kæ kui /thilä ñäthädiæn kæ šoo /kàn nèn nææni tè ci rom kæ jæ ñäth.

-Kä æ ñu ci Yecu jàækæ luekœ?

-Kæ šoo /kèn jàæk æ ñäth i ci Yecu rœ jiæc lith.

-Kä cu Yecu jàækæ möc kæ läär.

Kuænæ Mak 16:15

15-Kä cu Yecu kæ jjok, “Wia wii muœœen kæliw kä ñiecæ wic muœœen kæliw kæ thuuk ti goew.”

-Æ läär indiæn ci Yecu jæ lâr jàækæ mœ?

-Æ šoo bi kæ wä wii muœœen kæliw kä bi kæ Thuuk Kuœth ti Gœw nyuœth næi diaal.

-Kä Thuuk ti Gœw æ leeñu?

-Æ Ruac Kuœth.

-Æn Yecu cuæ ñut æmæ kàm jàækæ kâro?

-Šèth.

-Ci Yecu ñut æmæ kàm jààkæ kænæ næi diaal tin ñàth kæ jæ.

-Yecu gòràe jæ i bi næi diaal tin ñàth kæ jæ wä kä ñieckæ næi diaal wii muœœen kæ Ruac Kuœeth.

-Yecu nhœekæ næi diaal, kä gòràe šoo bæ næi diaal kãn kä buœem duirä, kæ lià, kænæ Ciæ-tan.

Kuænæ Joœœen 3:16

16-Ci Yecu wèè, “Kæ šoo nhœek Kuoth næi diaal æ lòñ cuæ Gatdæ min kæl kärœœadæ thöp kæ šoo rami wä jæ ñàth /cæ bi liu kä bæ tèk kæ tèk mi thil pèk.”

-Kæ kui æm œ cä bèn kæ šoo bä yiæ ben làr Ruac Kuœeth.

-Kæ šoo /cia bilæ liu kä bia wä ræi bar maac mi thil pèk.

-Kä æ ñu bi Yecu dhil liu œ?

-Ci Yecu bèn duer?

-Šèth.

-Kä æ ñu bi Yecu dhil liu œ?

-Kæ šoo ci næi diaal duèèr, banæ Kuoth dhil cuœel ciañ duirädan.

-Kä duäc Kuœeth kæ kui duirä æ leeñu?

-Æ lià.

-Kæ šoo ci næi diaal duer, bi ciañ gœyä Kuœeth ægòr i banæ dueerkoœen dhil cöl kæ liààdan.

-/Thilæ duœœep mi doœñ mi de cööl ni duer æ ni lià kärœœa.

-Kä kæ šoo nœ, Kuoth nhœekæ koœen æ lòñ, /ci Kuoth æ gòr i banæ liu.

-Kä de dueerkoœen cöl kæ lià idi, kä ñuœetnæ tèèkä?

-Yecu, min la Kään ni Kuoth, cæ liu kæ guààdan.

-Yecu, min la Kään ni Kuoth, cæ liu kæ šoo banæ tèk.

-Mæmæ æ mēē ci jàak æ kui ni thàañ.

-Ci jàak lià Yecu kui ni thàañ i æ kui kånädiæn.

-Ci jàak lià Yecu kui ni thàañ i æ jæn kårœa mi dè kæ kån œ.

-Æn lià Yecu wii jiaath in gæær æ cut kæ kui dueerikœn.

-Æn riæm Yecu in ci lòny wii jiaath in gæær æ riæm mi ci lòny kæ kui cutä dueerikœn.

-Kä æ ñu ci Kuoth nhœk ni muc Æ-bæl kä muc K-ÿn œ?

-Ci Æ-bæl riæm ruàadh dÿÿl roemä noñ Kuoth kä /kèn K-æn æ làt inœ.

-Æ ñu ci Kuoth kèi Gan Ji Yi-jip näk kä cuæ kèi Gan lth-rÿl päl œ?

-Ci Gaat lth-rÿl thuukni duèlikæen roeth kæ riæm ruaadh dÿÿl roemä.

-Yecu æ ruadh dÿÿl Kuœth.

-Ci Guàn in Kuoth Yecu thöp æ la Ruadh dÿÿl mi bi liu kæ šoo bæ duèerkœn cöl.

-Ci Yecu liu kæ šoo bæ kœn kån kä bæ duèerkœn cöl.

-Kä mēē ci Yecu liu wii jiaath in gæær, Cuæ wèè i, "Cæ thuuk."

-Æn Yecu lötæ ni ñu?

-Æn Yecu lötæ ni šoo ci Tekdæ thuœk wii muœœen?

-Šèth.

-Æn Yecu lötæ ni ñu mēē cæ wèè, "Cæ thuuk," mēē ca jæ ku thuñ ñap wii jiaath in gæær?

-Yecu lötæ ni šoo làt in ci Guàn ni Kuoth æ kàm jæ thuuk.

-Kä æ ñu ci làt èè ca kàm Yecu æ Guàn ni Kuoth thuœk œ?

-Kæ šoo lià Yecu cæ cut duirä nææni diaal thuk kæ piek kæliw.

-Kæ šoo riæm Yecu cæ cut duirä nææni diaal thuk kæ piek kæliw.

-Dènæ jæ ñàc idi mi ci Yecu làt känä kæ kui nææni diaal thuk?

-Kæ šoo lià Yecu æ muc luurä mi thuøk kä næi diaal.

-Kæ šoo riæm Yecu æ muc luurä mi thuøk kä næi diaal.

-Kä dènæ jæ nyøk kæ ñàc idi i Yecu cæ làt thuk kæ kàn nææni diaal?

-Kæ šoo ci Guàn ni Kuoth Yecu jiæc lith.

-Mi /kèn Yecu làt känä thuk, /ci Guàn ni Kuoth Yecu dè jiæc lith.

-Mi /kèn Kuoth ròñ kæ muc luurä in ci Yecu jæ thöp kæ kui duèèri, /ci Guàn ni Kuoth Yecu dè jiæc lith.

-Nyuuth æn:

-Ci raan yañ kual kä cuø jæ làth luaak yiëenä kæ ruøen kæliw.

-Kä mää ci ruøen thuøk, cuø jæ lõny luaak yiëenä.

-Mi ci böliith raan nyøk kæ nèn raar, dè nyøk kæ lóc luaak yiëenä?

-Šèth.

-Kä æ ñu?

-Kæ šoo ci raan tè luaak yiëenä kæ ruøen kæliw, kæ kui æmøe cuæ cut kualädæ yuøer piny kæliw.

-Kä kæ šoo ci Yecu cut duirä yuøer piny kæliw kæ kui nææni diaal, kæ šoo inøe cu Kuoth Yecu cu jiæc lith.

-Mää ci Yecu liu, æ ñu cu Kuoth biy luaak Kuøeth ræt ni däär kärææw øe?

-Ci Kuoth biy luaak Kuøeth ræt ni däär kärææw kæ šoo ci šøew /thil dääk kam Kuøeth kænæ raan.

-Kä æ ñu ci šøew /thil dääk kam Kuøeth kænæ raan øe?

-Kæ šoo ci Yecu muc luurä thöp kæliw kæ kui duèèri nææni diaal tin dè koen möc kæ dääk kä Kuoth.

-Kä kæ koer kä mää ci Yecu jàak nöp i bi kæ næi diaal làr Ruac Kuøeth, cuæ lóc cieñ nhial.

Kuænæ Lät 1:9

9-Kä kæ kær kä mää ci Yecu titi lar, cuœ jæ nañ nhial waandiæn diaal æ mäni mää cu puààr æ kum waandiæn.

-Cet kæ mää ci Kuoth æ lar kæ thuk gòokni ni mää, bi Kään dhil löc cãñ nhial.

Kuænæ Lät 1:10

10-Kä cu jààk Yecu nhial diel guéc mää nakæ Yecu cieñ nhial, cuæ tè kæ næi dàñ ræw ti tè kæ bièèyni ti bòòr ti cu cuœñ nhiamdiæn.

-Kä kæ ñaani tin tè kæ bièèyni tin bòòr tin ci cuœñ nhiam jààkni Yecu tœ?

-Kæ jààk Kuœth nhial dàñ ræw.

-Æ ñu mi ci jààk nhial æ lâr jààk Yecu?

Kuænæ Lät 1:11

11-“Lo wuni Gy-læli,” cu kæ wää, “Æ ñu cuñ yiæn æn wanæ mœ kä guic yiæn ni puààr œ? Æn Yecu æ mæ, min ca nañ nhial nhiamdunæ, bia jæ læni næn bæ piny cet kæ mæ nÿynæ jæ ni wä mæ.”

-Ci jààk nhial æ lar i bi Yecu luny wii muœœen.

-Mi ci Yecu luny wii muœœen, æ ñu mi bæ bèn læl?

-Bi Yecu rœ nyœk kæ luny wii muœœen kæ šoo bæ naath bèn kãn kä buœm duirä, kæ lià, kænæ Ciæ-tan?

-Šèth.

-Kä æ ñu?

-Kæ šoo Yecu cæ làt kãnä nath kä buœm duirä, kæ lià, æ mäni Ciæ-tan thuk ni mää.

-Tiimi mää ci Yecu jæ lâr bòòth palä min diit mää ca jæ thiec i mi æ jæn Keritho?

Kuænæ Mak 14:61-62

61-Kä cu Yecu ñöt kæ mi bitæ kä /thilæ mi lööcæ. Kä cu kuäär palä min diit jæ nyøk kæ thiec, “Æ jin Keritho, mi la Gat Puthä cieñ nhial?”

62-“Æ šän,” cu Yecu jæ löc inœ. “Kä bi Gat Ran næn tæ nyuurä tetä cuec Bumä Nhial kä bæ piny kæ ræi puààri cieñ nhial.”

-Mi wä Yecu luny wii muœœen, /ci Yecu bi luny æ la Kään, bæ luny æ la luuk.

-Mi wä Yecu luny wii muœœen, bi Yecu luny jœk kæ šoo bæ næi tin /ca jæ ñäth æ la Käändiæn ben luk.

-Mi wä Yecu luny wii muœœen, bi Yecu næi tin /ca jæ ñäth æ la Kuoth ben làth ræi Toëñä Maac mi /Thil pèk.